

西藏全圖附說 一頁

地 630
896

地 630
639

外着色圖一幀

癸卯閏月十二日嵇葆之從九送
頓珩此說一与乃尊甫庾梅太守志文所
著太守隨先兄恭勤公襄辦
商事務頗著勞績旋病回川
後復調入
茲則其當事大臣互相阻撓以致罷官連
款落魄無聊此其眾也
迺慮浩新尚書
督川後令辦理王者事宜事竣即阻謝

吟花醉月

敏有公紙印

嗟前之當事者責以為
國惜才之義為堪
浩歎而已

古棟漢有春誌



謹將西藏全境所屬各部落及西徼各水道毘連
中外各邊界分色繪圖逐一註說恭呈

憲覽

西藏

西藏古三危地初名突厥後曰秃髮一名土伯特
近名唐古忒卽唐時吐蕃也前藏一名拉薩又曰
西招乃贊普建牙地自唐以後宋元明初皆紅教
喇嘛極盛之地迨洪武時始有宗喀巴別倡宗風
廣演黃教至嘉靖萬厯而黃教大興北方蒙古各
部極為尊崇信奉我

吟花醉月

徽有公紙店

朝崇德七年達賴班禪及青海固始汗遣使來東呈
進丹書克約行善事至順治初達賴已轉五世矣
康熙雍正乾隆間因西藏先後遭準噶爾及廓爾
喀之亂曾經三次用兵藏事始得安謐乃藏番自
咸同軍興川省按年應解藏台各餉不能接濟始
有輕視駐藏官兵之心又因西人遊歷接踵而至

厦札噶布倫緣事革職因之落髮為僧謀圖掌辦
遂以爭教為名援引三大寺干預公事共立誓詞
驅逐呼徵呼圖克圖而噶使三寺推戴遂為掌辦
從此三寺遇有公事必須會議眾謀僉同始能遵
奉此藏使辦事棘手之所由來也哲孟雄私附英
人已六七十年刻因西人欺凌日甚始求內附光
緒乙酉丙戌間馬科蕾有帶兵入藏遊歷之文藏
人遂越界修卡肇起兵戈戊子秋抗

吟花醉月

敏有公紙店

旨用兵一敗塗地幾危西藏

升大臣奉

命赴邊設法會議閱時兩年遠赴印洋始得立約八條
解戰罷兵完結邊案該藏番一面出結遵辦又復
私行勾結俄人為後來拒英之計殊不知俄人虎
視印度匪伊朝夕若一旦通藏不特激使英人敗
盟而藏地縱不為英所有亦不免為俄所據其後
患恐不僅如唐之吐番也

陸路

後藏

後藏札什倫布一名協卡子班禪住錫之地襟山帶河民風樸厚班禪與達賴並尊而西藏番首每欺凌札什布倫遇細微之事動輒尋衅必重罰而魚肉之上年西藏自作不靖與洋人構兵勒派後藏攤認兵費四分之一札什倫布大受其累該處東南干壩距印界納金山僅六十里無隘可守

吟花醉月

敬有公紙店

距獨脊嶺尤為捷近僅數日程且洋人口吻之間謂印人與後藏向通往來已百有餘載則後藏與印人和睦可知倘西藏商上再不知機洋人一旦由納金直據後藏即將藏地截為兩段首尾不能相顧矣上年奉委查隘曾經具稟請為未雨綢繆茲聞僅添兵二十名駐干壩恐無濟於事耳

布魯克巴

布魯克巴西人呼曰布坦藏人呼曰竹巴即不丹

國也地當前藏正南合部皆奉紅教風俗強悍上年屢與印度構兵人人死戰其南境瘴氣甚大英人未能逞志只租其白棟噶茂林兩地種茶歲付租銀錢伍拾千元後減二十千至今猶取租萬金屆期即付戊子歲藏番納東之敗該部頗有戒心力求內附經

升大臣奏封部長為諾們罕設兩酋總理部務由禮部新鑄印信已頒發到藏倘駕馭得宜實前

吟花醉月

敏有公紙店

藏之屏蔽要藩也

哲孟雄

哲孟雄西人呼為西金藏番呼曰占軍地本彈丸幅員僅四百里向與藏番往來而私附英人已六七十年藏番猶在夢中及至光緒丙子見英人有吞噬之心始求內附藏人置之不理乙酉丙戌馬科蓄有帶兵入藏遊歷之文藏番越界修卡致肇兵端納東之戰英人先收哲部全土始督兵窮追

藏番若非

升大臣預為派弁沮戰藏事直不可問而哲夷家
亡國破部長之權盡為印官所奪月得薪俸僅足
自給而已

廓爾喀

廓爾喀事載紀畧毋須贅言刻下該國力尚西法
講求武備惟篡弒頻仍骨肉自殘果敢王藏克巴
圖親子現在出亡印度時有復仇之心今在位之

吟花醉月

敏有公紙店

王乃藏克巴圖族弟殘狠嗜利以藏印通商大不
利於該國時時阻撓一旦英人尋衅事未可知也

雪嶺

雪嶺由岡底斯發脈分幹繞入北印度蜿蜒克什
米爾廓爾喀諸國又繞哲孟雄布魯克巴至格倫
而止起伏連續不下萬里高峻極天終年積雪是
謂雪嶺西人名之曰喜瑪來山謂地球之上所有
高峰莫能及此其第一峰在龍圖山之右獨脊嶺

之北西人以三角測量由麓至顛不下三千餘丈
實天下之山無與比也

俄羅斯國界

和闐之西又葉爾羌之西北有俄人新闢地土由
大戈壁東南行月餘即到藏境此棍噶札拉忝呼
圖克圖曾詳言之前已外冬俄官尼濶賴由青海
至哈喇烏蘇藏番以禮阻回上年俄官撤武撮伏
由喀什喀爾至和闐與法人庚和禮混雜同行由

吟花醉月

敏有公紙店

大戈壁乘雪行至藏北三站之達木八旗地方挑
弄藏番與英敗盟餽送洋鎗金表圖片私相勾結
嗣志文奉委查辦曾經通稟刻下藏人忿納東之
敗勾結俄人以圖雪前恥必中俄人假道於虞之
計英人如知藏番有勾結之舉必先發以制人此
藏事之最為可慮者也

藏印分界

藏印分界悉本乾隆五十九年

和大臣琳奏設鄂博原界辦理內咱利一山為原
卷所無又係光緒丙子歲前西藏糧務委員周濬
會同番官噶布倫所劃之界丙戌藏人越界修卡
因之構兵致敗幾亡西藏戊子十月
升大臣奉

旨赴邊與英人訂議八條約定以雪嶺一帶高嶺為界
核與五十九年所立鄂博未失寸土也

三十九族

吟花醉月

敬有公紙店

三十九族係夷情部郎轄境亦拉里台員兼轄之
地也當雍正初年大兵入西藏所有青海以南七
十九族番部效順來歸經

岳威信公奏定分疆以四十族隸西藏大臣玉樹二十五族即莊西
以三十九族隸西藏大臣玉樹二十五族即莊西
甯四十族之內近年夷情部郎教令不行三十九
族土司每多抗調惟附近拉里之三十六村各土司
尚奉糧員差調如故此地緊連疊蓋產鹽之區有

七游牧極多土兵可調數萬皆係漢屬若能駕馭
得宜則由鑪入藏自疊蓋以達三十九族即逼西
藏肘腋矣

察木多

察木多西藏附庸向有胡土克圖三人其大呼圖
克圖因剿辦贍對助兵轉餉歷保靖遠禪師額爾
德尼上年乍察案結又

欽賜

吟花醉月

敬有公紙店

御

書匾額該處為入藏咽喉南通滇省漢夷雜處西商
貿易者甚多瀾滄自郎羌發源有兩水匯流於此

上年

岳威信公入藏時由三岩觀角以奇兵先取此地
其扼要可知矣

德爾格忒

德爾格忒一名疊蓋鑪廳所屬之最大土司也其
屬地東西約千餘里南北亦近千里北界玉樹盡

係游牧之民西界察木多東界霍爾五族東南界
瞻對南界巴裡塘西南毘連乍了地大物博近年
操販茶之利富民甚多牛馬極廣上年與叛番工
布郎結屢戰不利土司閻家被虜藏師平瞻對始
得放還歸牧藏番至瞻必經其地土司因曾受藏
師援救自同治四年後即暗與藏番交通結婚媾
支差務以前鑪廳未及知也近年土司耻其母曾
為瞻虜另行分居母子不相能該土司又每助瞻

吟花醉月

敬有公紙店

為虐欺凌玉樹二十五族戊子秋入藏熬茶勒派
玉樹番部至萬餘兩之多以支差費庚寅春在後
藏倚眾茲事圍撲營地鎗斃漢兵毫無法紀經
升大臣臬示德番一名始斂跡出藏回牧後又凌
虐其民頭目百姓相率背叛該地為川藏樞紐茶
路必經藏番覬覦此地蓄意已久失之經營殊可
惜也

三岩野番

三岩在疊蓋之南巴塘江卡之北向為野番部落
該番並無頭目以人強財富為能若徒有貨財無
強根親族亦必被鄰里奪取謀殺蓋豺虎之鄉也
素以搶掠大道為事辛巳秋有劫殺法國教士之
案壬午春志文奉委督同巴塘土司進剿連克其
紫達東打等寨三獲勝仗該番震恐九村投誠勒
令每村各派一人來巴作質做照越雋馬邊等處
夷卡章程按年更換巴塘土司出結永保大道每
年糧務須用費貳百金大道已靜謐兩年毫無劫
案乃因後任省此經費將卡中監禁各頭目陸續
放盡致該番近年間又出巢滋擾矣

觀角

觀角者唐古忒所屬別部也地近三岩野番風俗
亦相似其地雖歸江卡台吉管理而盜風甚熾每
在茶道劫掠又與察木多及三岩人互相械鬥行
旅苦之

吟花醉月

敏有公紙店

江卡

江卡由川入藏之首站西藏設一台吉番官扼守於此稽查來藏之人附近藏屬各番部皆受其節制川藏分界南墩邦木山即其轄境為西藏番官極東要缺由江卡西行兩日而入乍了之界惟南通雜瑜野人距阿薩密東界甚近洋人曾云由阿薩密可望江卡之山是印度界不特緊連衛藏即於川界亦不甚遠也

吟花醉月

敏有公紙店

桑昂曲宗

桑昂曲宗乃唐古忒流竄罪人之所天氣炎熇逼近格瑜有路可通阿薩密洋人時來窺伺并將格瑜地方修治寬平此亦南防之一要隘也

博窩野番

博窩一名波密碩汎之南野番部落博窩西通工布南通格瑜每販格瑜所產米穀來易換三十九族鹽劬常獲重息近年洋人迭至此地該番亦效

哲孟雄行為陰與洋人通往來而藉此以藐藏番
恐不久亦必為印度所有矣

乍了

乍了者西藏附庸之國也有大二三呼圖克圖又
倉儲已一員總管諸事地不甚廣而居民勤於務
農風俗獷悍附近諸夷皆畏之差務過此每被勒
索賞需稍拂其意輒聚滋事上年調兵圍攻察木
多帕克巴拉呼圖克圖寺院作城下之盟而還勢

吟花醉月

敏有公紙店

益驕縱戊子歲

升大臣派員辦結乍察十年構兵重案近尚安靜
恭順惟需索差務惡習仍難除耳

瞻對

瞻對本係川境向分上中下三土司其地在川界
各土司之中道光時中瞻對強甚遂并有三瞻二
十八年

琦文勤討降之迨至咸同軍興叛番工布郎結知

內地多事四出劫掠蠶食鄰疆所有霍爾五族疊蓋瓦述巴裡塘大小各土司無不被其侵凌同治初川藏會剿藏師由察木多來勢等建瓴遂先據其地索兵費六十萬後減三十萬川中終難籌撥請以贍地賞給達賴喇嘛從此贍地改歸藏屬己丑十月贍番因藏酋橫征苛斂民不聊生遂揭竿變亂川藏派員辦理雖曰收復而其中輻輳甚多一時恐不能了結也

吟花醉月

敏有公紙店

霍爾五族

霍爾五族東接鑪廳西連疊蓋土脉極稱膏腴阡陌相連民戶稠密大似內地景象為六台地方所未有惟五土司屬地犬牙交錯彼此參差近年孔撒麻書兩土司狼狽為奸倚勢占據章谷土司地界竟至于欲裁父地方鼎沸前署鑪廳未能辨結遂至忌憚毫無本年由藏入川即取道此地頗聞孔麻兩土司內則陰附明正外則勾結贍番瞻對

之亂兩土司不能無過也

玉樹

玉樹為西甯所屬土司民地不能如疊蓋之廣大而四方貿易者多止於此自同治四年屢被西藏勅派兵費疊蓋從而助虐迭經該土司稟懇西甯辦事大臣奏請查辦迄今尚無端倪也

巴塘

巴塘設有正副土司職系宣撫司副土官僅五品

吟花醉月

教有公紙店

耳又有丁零大喇嘛寺僧眾數千無惡不作十餘年來迭釀教案皆喇嘛所為僧強俗弱土司莫可如何該處當差百姓每貸寺院銀茶被其重利盤算不數年而應差公田盡為喇嘛寺院霸收利息百姓困之逃亡比比皆是僧愈富而俗愈貧以致地方百務皆廢頽風不易挽也

裡塘

裡塘正副兩土司皆毛了土司之子不通漢語性

極刁頑裡台額設土兵防禦夾壩每年台費一萬
兩土司須領五千盡飽私橐不養土兵尤極刁難
差務雖尊如駐藏大臣亦復玩視不恭為口外六
台最為刁惡之地也

又該處長春青科喇嘛寺及土
司漢字識均同惡相濟種員

辦事極形棘手

水道

雅魯藏布江

雅魯藏布江發源岡底斯即崑崙南幹東流至後

吟花醉月

徽有公紙店

藏受南北諸水遶北山至曲水合西藏河折而南
下經工布入格瑜至印境阿薩密地方轉西流至
東印度西人疏濬分為兩水又一水分為數道以
殺其勢均入印度洋

恒河

恒河源出雪嶺由後藏西北雪山發源北流至克
什米爾境合諸水遠流西印度直貫中印度而至
於東英人呼為安額河又呼干集斯印度土人呼

為聖水即佛書所謂恒河也庚寅二月由獨脊嶺
乘輪赴印都曾渡此河換大火車係用輪船對渡
須一時之久南岸沙極厚鐵路隨時移取恒河之
南火車愈速閱兩時之久即抵印都矣

黑水

書云禹導黑水至於三危入於南海查黑水即怒
江也其源在青海東南大澤中流出滙平原諸水
流至藏北之哈喇烏蘇始名黑水蓋蒙言謂水曰

吟花醉月

敬有公紙店

烏蘇謂黑曰哈喇藏番謂水曰曲謂黑曰辣此水
蒙言哈喇烏蘇番名辣曲由甘肅極西之境流來
是黑水西河為雍州也由三十九族貫流入藏界
正三危地是至於三危也下游經雲南大理雞足
山之西南由騰越入怒夷地是名怒江由南掌南
流劃分暹羅緬甸之境入海是入於南海也處處
皆與經合可無疑義黃委員西徼水道一書以黑
水為大金沙江又謂大金沙江即雅魯藏布江下

游皆意揣之詞文於印度親見西人所繪雅魯藏布入海地圖距孟加拉城僅半站其繪怒江亦自雞足山西南流劃分暹緬兩國是以知黃茂材所說不足據也

瀾滄江

瀾滄江由西甯所屬郎羌土司地流來南流千餘里始至察木多經乍了江卡之南流至巴塘西南之紅白鹽井入雲南界始名瀾滄下游由順甯府流入越南暹羅之界入海處即越南西貢也

金沙江

金沙江揚子之正源也源出青海西南雪山之陽與河源僅隔一山由青海迤南玉樹之二十五族地方流入德爾格忒名布壘楚河亦名制曲已三千餘里又南流入三岩至巴塘乃入雲南維西曲折流至麗江又三千餘里更由永北廳繞至東川府始名金江復流入四川甯遠匯雅龍江即打冲

河流入涼山夷巢經雷屏而出敘州府與岷江相
合其源遠流長至此已幾及萬里江勢之浩瀚亦
數倍於岷江故曰長江正源金沙江也

雅龍江

雅龍之源有三最遠者曰雜曲一曲青海南河西
甯南路諸水匯流而東又兩金川之北果落克西
另有一水入於雜曲又馬拉松多一帶雪山之水
沿臺蓋大道流至絨巴擦山後亦入雜曲流遶白

吟花醉月

敏有公紙店

利土司官寨至麻書汛外流入瞻對合道塢自東
谷來之水流至中渡汛即駐藏大臣由鑪入藏馳
驛大道所渡之河口也下游由梅里土司地至甯
遠鹽源縣是為打冲河仍入金江亦長江支源也
右圖說二十八則係故父詳擇川藏所屬各部落
風俗地勢有關邊務情形者節要言之伏乞

鈞鑒

候選從九嵇祖佑謹呈



皇朝直隸省府廳州縣全圖

